

全漢三國晉南北朝詩

張祖翼著

全宋詩卷一

無錫丁福保仲祐編纂  
頁靜園書  
民國五年

文帝

諱義隆武帝第二子先封宜都王徐羨之等廢少帝迎帝入承大統後為元凶劼所弑有集十卷

登景陽樓

崇堂臨萬雉層樓跨九成  
瑤軒籠翠幌組幙翳雲屏  
階上曉露潔林下夕風清  
蔓藻煨綠葉芳蘭媚紫莖  
極望周天險留察泱神京  
交渠紛綺錯列植發華英

北伐

季文鑿禍先辛生識機始崇眷

疑作替

非無徵興廢要有以自昔淪中畿

條焉盈百祀不覩南雲陰但見胡塵起  
亂極治方形塗泰由積否方欲除遺氛  
矧乃穢邊鄙眷言悼斯民納隍良在已  
逝將振宏綱

一作羅

一麾

同文軌

孝武帝

諱駿字休龍文帝第三子封武陵王元凶劼弑逆舉兵誅劼遂即大位在位十一年有集三十一卷

丁督護歌六首

一曰阿督護宋書樂志曰督護歌者彭城內史徐達之為魯軌所殺宋高祖使府內直督護丁旡收斂殯埋之達之妻高祖長女也呼旡至閣

下自問殮送之事每問輒歎息曰丁督護其聲哀切後人因其聲廣為曲焉唐書樂志曰丁督護晉宋間曲也今歌是宋孝武帝所製云

督護北征去前鋒無不平朱門垂高蓋永世揚功名

洛陽數千里孟津流無極辛苦戎馬間別易會難得

督護北征去相送落星墟帆檣如芒桴督護今何渠

聞歡去北征相送直瀆浦只有淚可出無復情可吐

督護上征去上征去樂府詩集作初征時儂亦惡聞許惡宋刻玉臺作思誤今從樂府詩集願作石尤風四面斷

行旅

黃河流無極洛陽數千里坎坷戎旅間戎旅宋刻玉臺作戎途誤今從樂府詩集何由見歡子此首樂府

詩集作王金珠作

擬徐幹藝文作擬室思樂府作自君之出矣今從玉臺

自君之出矣金翠閣無精金或作珠思君如日月回還晝夜生還或作環

遊覆舟山

束髮好怡衍弱冠頗流薄素想終勿傾聿來果丘壑層峯亘天維曠渚  
綿地絡逢臯列神苑遭壇樹仙閣松澄含青暉荷源煜形爍川界泳遊

鱗巖庭響鳴鶴

登作樂山

脩路軫孤轡  
竦石頓飛轅  
遂登千尋首  
表裏望丘原  
屯煙擾風穴  
積水湧雲根  
漢潦吐新波  
楚山帶舊苑  
壤草凌故國  
拱木秀頽垣  
目極情無留  
客思空已繁

登魯山

解帆憩通渚  
息徒憑椒丘  
粵值風景和  
升高從遠眸  
紀郢窮西路  
湘夢極南流  
杳哉漢陰水  
浩焉江界脩

濟曲阿後湖

宵登毗陵路  
旦過雲陽郭  
平湖曠津濟  
菰渚迭明蕪  
和風翼歸采  
夕氛晦山嶠  
驚瀾翻魚藻  
蘋霞照桑榆

與廬陵王紹別

連歲矜離心  
今茲幸良集  
信宿窮晨暮  
開顏披所戢  
未盡歡娛懷  
已傷岐路及  
舳艫引江介  
飛旌背爾邑  
悄擾徒旅戒  
團欒流景入  
遲遲分手

念泣泣登路泣

幸中興堂餞江夏王詩

送行悵川逝離酌偶歲陰陰雲掩歡緒江山起別心

拜衡陽文王義季墓

昧且憑行軾濡露及山庭投步矜履蹈舉目增淒清輶路滅歸軫淪圍  
負重扁深松朝已霧幽隧晏未明長楊敷晚素宿草披初青哀往起沈  
泉追愛慟中情竹帛憑年遠世範隨伏傾

七夕二首

白日傾晚照弦月升初光炫葉露滿肅肅庭風揚瞻言媚天漢幽期  
濟河梁服箱從奔輶紈綺闕成章解帶遽迴軫誰云秋夜長愛聚雙情  
歎念離兩心傷

開庭鏡天路餘光不可臨  
泓風被弱縷迎輝貫  
玄鍼斯藝成無取  
時物聊可尋

夜聽妓

寒夜起聲管促席引靈寄深心屬悲絃遠情逐流吹勞襟憑若辰誰謂  
懷忘易

詠史

聶政憑驍氣荆軻擅美風孤刃駭韓庭獨步震秦宮懷音豈若始捐軀  
在命終雄姿列往志流聲固無窮

初秋

夏盡炎氣微火息涼風生綠草未傾色白露已盈庭遠視秋雲發近聽  
寒蟬鳴運移矜物化川上感餘情

秋夜

局景薄西隅升月照東垂肅肅風盈幕泫泫露傾枝側聞飛壺急坐見  
河宿移觀辰念節變感物矜乖離

四時

南史曰孝武狎侮羣臣各有稱目柳元景桓護之雖並  
北人而王玄謨獨受老儉之目嘗爲玄謨作四時詩

董茹供春膳粟漿充夏餐馳醬調秋菜白醴解冬寒

望月

以下二首  
文疑闕

褰幕蕩喧氣入夜漸流清微微風始發曖曖月初明思因往物深悲以歸雲盈

北伐

表裏跨原隰左右御川梁月羽皎素魄皇旗艷臧許力切赤光

離合

霏雲起兮汎濫雨靄昏而不消意氣悄以無樂音塵寂而莫交守邊境以臨敵寸心厲於戎昭閣盈圖記門滿賓僚仲秋始戒中園初凋池育秋蓮水滅寒漂旨歸塗以易感日月逝而難要分中心而誰寄人懷念而必謠悲客他方字

華林都亭曲水聯句一云華林園效柏梁體

九宮盛事予旒纒帝三輔務根誠難亮揚州刺史江夏王義恭策拙粉鄉慙恩望南徐州刺史竟

折衝莫效興民謗領軍將軍元景侍禁衛儲恩喻量太子右率暢臣謬叨寵九流曠吏部

喉膺廢職方思讓侍中明筆直繩天威諒御史中丞顏師伯

江夏王義恭武帝桓美人所生也元嘉中為司徒建武三年為大宰後為廢帝所殺明帝定亂復舊爵邑諡曰文獻有集十五卷

豔歌行

江南遊湘妃窈窕漢濱女淑問流古今蘭音媚鄭楚瑤顏映長川善服  
照通澣求思望襄滋歎息對衡渚中情未相感搔首增企予悲鴻失良  
匹俯仰戀儔侶徘徊忘寢食羽翼不能舉傾首佇春鷺爲我津辭語

遊子移

三河遊蕩子麗顏邁荆寶攜持玉柱箏懷挾忘憂草綢繆甘泉中馳逐  
邯鄲道春服候時製秋紈迎涼造珍魄暉素腕玉迹滿襟抱常歎樂日  
晏恆悲歡不早揮吹傳舊美趨謠盡新好仲尼爲輟餐秦王足傾倒

自君之出矣

自君之出矣笥錦廢不開思君如清風曉夜常徘徊

登景陽樓

丹墀設金屏瑤榭陳玉牀溫宮冬開燠清殿夏含霜弱藥布遐馥輕葉  
振遠芳彌望少無際肆睇周華疆象闕對馳道飛廉矚方塘邸寺送暉  
曜槐柳自成行通川溢輕艫長街盈方箱顧此燭火微胡顏廁天光



彭城戲馬臺集

騁驚辭南京弭節憇東楚懿蕃重遐望興言集僚侶于役未云淹時遷  
變溽暑眷戀江水流迴首獨延佇

溫泉

秦都壯溫泉漢京麗湯泉炎德潛遠液暄波起茲源

失題

見初學秦山部

大明總神武乘時以御天金牒封梁甫玉簡禪岱山

臨川王義慶

長沙景王第二子臨川王道規無子以義慶為嗣永初元年襲封臨川王徵為侍中丹陽尹尚書左僕射歷荆江南兗三州刺史為性簡素寡嗜欲愛好文義足為宗室

之表有世說八卷集八卷

遊鼉湖

暄景轉諧淑草木日滋長梅花覆樹白桃杏發榮光

南平王鑠

字休立文帝第四子未弱冠擬古三十餘首時人以為亞迹陸機元兇弑立以鑠為侍中及孝武入討鑠歸義最晚常懷憂懼然負才狡競每與兄弟計度蓋能屢輕孝武孝

武毒殺之有集五卷

三婦豔詩

大婦裁霧縠中婦牒冰練小婦端清景含歌登玉殿丈人且徘徊臨風傷流霰

白紵曲

僊僊

玉臺作遷遷

徐動何盈盈玉腕俱凝若雲行佳人舉袖輝

玉臺作耀

青蛾摻摻

擢手映鮮羅狀似明月汎

一作沈

雲河體如輕風動流波

擬行行重行行

眇眇陵長道

長宋刻玉臺作羨誤今從文選或作眇眇長陵道

搖搖行遠之

搖搖宋刻玉臺作遙遙文選李善本亦作遙遙註引左傳遠哉遙遙惟五臣本

作搖搖呂向註曰搖搖心不安貌按既曰長道又曰遠之再曰遙遙未免太複不必以左傳為例也故改從五臣本

回車背京里

里一作邑

揮手於此辭

文選作從此

堂上流塵生庭中綠草滋寒螿翔水曲秋兔依山基芳年有華月

佳人無還期日夕涼風起對酒長相思悲發江南調憂委子衿詩臥看

明鏡晦

看文選作覺

坐見輕紈緇淚容曠不飾

曠不文選作不可飾宋刻玉臺作飭

幽鏡難復治願垂

薄暮景照妾桑榆時

擬明月何皎皎

落宿半遙城浮雲藹層闕玉宇來清風羅帳延秋月結思想伊人沈憂

懷明發誰爲客行久爲或作謂客行久或作行客遊屢見流芳歇河廣川無梁山高路難越

擬孟冬寒氣至

白露秋風始秋風明月初明月照高樓露落一作白露皎立除迨及涼風一作雲

起行見寒林疎客從遠方至贈我千里書先敍懷舊愛未陳久離居一

章意不盡三復一作幅情有餘願遂平生志一作眷無使甘言虛

擬青青河邊草

淒淒含露臺肅肅迎風館思女御櫺軒哀心徹雲漢端撫悲絃泣獨對

明鏡嘆良人久遙役一作遙一作遙耿介終昏旦楚楚秋水歌吳顯令註曰秋疑作狄按孔子秋水之歌未聞被之絃管

且尤於閨情無與作狄非是疑爲綠水之訛淮南子曰手會綠水之趣高誘註綠水古詩也琴操蔡邕五弄亦有綠水一曲依依采菱彈

代收淚就長路

聳轡高陵曲揮袂廣川瀆黃塵昏白日悲風一作荒塞起浮雲蕭條萬里別

契闊三秋分時往從朝露年來驚夕氲徘徊去芳節依遲從遠軍

過歷山湛長史草堂

茲嶽蘊虛詭憑覽趣亦瞻九峯相接連五渚逆縈浸層阿疲且引絕巖

暢方禁溜衆夏更寒林交晝常蔭伊余久緇涅復得味恬淡願逐安期  
生於焉愜高枕

七夕詠牛女

秋動清風扇

風宋刻玉臺作氛按氛不可言清亦不可言扇今從藝文類聚

火移炎氣歇廣欄含夜陰高軒通夕

月安步巡芳林

巡一作尋

傾望極雲闕組幕縈漢陳龍駕凌霄發誰云長河

遙頗劇促筵越

馮氏詩紀此句作頗覺促筵悅按此句言長河雖遙倏忽可渡更捷于促筵之時越席相接雖措語稍澁非竟不可訓釋馮氏因其難解而以意改之于古無據今仍從

宋刻玉臺又初學記藝文類聚皆載此詩而皆無此二句按上二句言渡河下二句言曉別無此二句似非情事當是類書刪本輾轉相承謝惠連七夕詩兩書亦皆無末二句其明證也

申寫飛光已飄忽來對眇難期

來一作未

今歡自茲沒

失題

見藝文秋部詩紀古樂苑等妄改其題曰秋歌非是

昊天清且高秋氣發初涼白露下微津明月流素光凝煙汎城闕淒風  
入軒房朱華先零落綠草就芸黃織羅還笥篋輕紈改衣裳

闕

郊廟歌辭

宋南郊登歌三首

宋書樂志曰文帝元嘉二十二年詔顏延之造天地郊夕牲迎送神饗神雅樂登歌三篇

顏延之

夕牲歌

貢威寶命嚴恭帝祖表海炳岱

選作炳海表岱

系唐胄楚靈鑿洛

選作

文民屬睿

選作

武奄受敷錫宅中拓宇亘地稱皇罄天作主月竊來賓日際奉土

開元正首

文選並樂府作首正

禮交樂舉六典聯事九官列序有牲在滌有潔在俎

以夔王衷以答神祐

### 迎送神歌

維聖饗帝維孝饗

樂府作養

親皇乎備矣有事上春禮行宗祀敬達郊禋金

枝中樹廣樂四陳陟配在京降德在民奔精照

文選作昭

夜高燎煬晨陰明

浮爍沈禁

音詠

深淪告成大報受釐元神月御按節星驅扶輪遙輿

文選樂府作輿

遠駕

樂府作舉

曜曜振振

### 饗神歌

營泰時定天衷思心睿謀筮從建表蒨設郊宮田燭置燿火通曆元旬

律首吉飾紫壇坎列室中星兆六宗秩乾宇晏地區謚大孝昭祭禮供

牲日展盛自躬具陳器備禮容形儻綴被歌鍾望帝闈聳神蹕靈之來

辰光溢潔粢酌娛太一明輝夜華晷日裸既始獻又終煙薌鬯報清穹

饗宋德祚樂苑作胙王功休命永福履充

宋明堂歌九首

通典曰孝武建元元年使謝莊造郊廟舞樂明堂諸樂歌詩南齊書樂志曰明堂辭五帝漢郊祀歌皆四言宋孝武使謝莊造辭莊依五行數木數用三

火數用七土數用五金數用九水數用六周頌我將祀文王言皆四其一句五一句七莊歌太祖亦無定句

謝莊

迎神歌

宋書曰依漢郊祀四句一轉韻後送神歌倣此

地紐謐乾樞回華蓋動紫微開旌蔽日車若雲駕六龍

樂府作氣

乘網緼擘

帝京輝天邑聖祖降五靈集構瑤凡聳珠簾漢拂幌月棲檐舞綴暢鍾

石融駐飛景鬱行風懋粢盛潔牲牲百禮肅羣司虔皇德遠大孝昌貫

九幽洞三光神之安解玉鑿景福至萬寓歡

登歌

雍臺辨朔澤宮練辰

樂府作服

潔火夕照明水朝陳六瑚賁室八羽華庭昭

事先聖懷濡上靈肆夏戒敬升歌發德永固鴻基以綏萬國

歌太祖文皇帝

宋書曰依周頌體

維天爲大維聖祖是則辰居萬寓綴旒下國內靈八輔外光四瀛蒿宮

仰蓋日館希旌複殿留景重檐結風刮楹接緯達響

樂府作嚮

承虹設業設

虞在王庭肇禋祀克配乎靈我將我享維孟之春以孝以敬以立我烝民

歌青帝

三言依木數

參映夕駟照晨靈乘震司青春鴈將向桐始蕤柔風舞暄光遲萌動達萬品新潤無際澤無垠

歌赤帝

七言依火數

龍精初見大火中朱光北至圭景同帝在在離寔司衡水雨方降木槿榮庶物盛長咸殷阜恩覃四冥被九有

歌黃帝

五言依土數

履建

宋書作良

宅中寓司繩御

宋作總

四方裁化遍寒燠布政周炎涼景麗條可

結霜明冰

樂府作水

可折凱風扇朱辰白雲流素節分至乘結

宋作涇

晷啓閉集

恆度帝運緝萬有皇靈澄國步

歌白帝

九言依金數

百川如鏡天地爽且明雲沖氣舉德盛在素精木葉初下洞庭始揚波

夜光徹地翻霜照懸河庶類收成歲功行欲寧  
泱地奉渥罄宇承秋宋作

帝靈

歌黑帝六言依水數

歲月既晏方馳靈乘坎德司規立雲合晦鳥一作歸路白雲一作雪繁亘天涯

雷在地時未樂府作木光飾國典閉關梁四節遍萬物殿福九域祚八鄉晨

晷促夕漏延太陰極微陽宣鵠將巢冰已解氣濡水風動泉

送神歌

蘊禮容餘樂度靈方留景欲暮開九重肅五達鳳參差龍已沫雲既動

河既梁萬里照四空香神之車歸清都璇庭寂玉殿虛濬樂府作睿化凝孝

風熾顧靈心結皇思

宋宗廟登歌八首宋書樂志曰武帝永初中詔廟樂用王韶之所造七廟登歌七首又有七廟享神登歌一首并以歌章太后其辭亦韶之造

王韶之

北平府君歌

綿綿遐緒明昭樂苑作昭明載融漢德未遠堯有遺風於穆皇祖永世克隆本



支惟慶貽厥靡窮

相國掾府君歌

乃立清廟清廟肅肅乃備

脩一作脩

禮容禮容穆穆顯允皇祖昭是嗣服錫

茲繁社事懷多福

開封府君歌

四縣既序簫管既舉堂獻六瑚庭萬八羽先王有典克禋皇祖不顯洪烈永介休祐

武原府君歌

鐘鼓喤喤威儀將將溫恭禮樂致

一作敬

享曾皇邁德垂仁係軌重光天

命純嘏惠我無疆

東安府君歌

鑠矣皇祖帝度其心永言配命播茲徽音思我茂猷如玉如金駿奔在陛是鑒是歆

孝皇帝歌